

督一人掌禁衛宮掖、中車駕出入前驅引導後殿後殿謂在後事

〔令義解職見〕左兵衛府右兵衛府准此

督一人掌檢校兵衛、中車駕出入分衛前後中事

〔延喜式十二中務〕凡行幸者丞以上率內舍人候閣門外分列左右供奉御前其次第在近衛陣前兵衛陣後其幸近處不裝束謂豐樂院神泉苑之類

凡應供奉城外行幸陣侍從次侍從者除留守外咸悉陪從若無故不陪者不預節會書司

供奉行幸御琴硯綱料緋帛四丈五尺調布一端三尺御琴硯案袋覆絡綱料絕五丈八尺五寸緋帛五丈油絹五丈八尺五寸調布一端三尺並隨故損請換

〔延喜式十二內記〕凡供奉行幸遠處內記二人史生一人內記分在左右預被鞍御馬官人之後馱鈴馬主鈴之前近處內記一人史生一人

〔延喜式十二主鈴〕凡行幸從駕內印并驛鈴傳符等皆納漆簾子主鈴與少納言共預供奉其馱者左右馬寮充之

〔延喜式十三大舍人〕凡車駕行幸者舍人四番以十二人爲一番供奉御輿長八人馱鈴四人並著緋袍白布袴帶若皇后有幸又供御輿長裝束同前其叫門者便取副鈴舍人總緋袍四十八領布帶四十八條緋布衫並准此並

納寮庫臨時充用若有破損返故請新

〔延喜式十三圖書〕凡行幸從駕御研案一具研一口筆十管銀小瓶一和琴二面御一面柳篋一合兩面赤地圖一卷以細布爲之納赤地兩面袋儲幕四條二絕二布並隨破請換官人二人率番上二人令仕丁五人擔之各著紺布衫布袴布帶事畢返收換其應御和琴者官人以袖執琴尾而擎轉於書司進之給侍臣者執琴首直趨就座後授之